



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. I. Quid, & Quotuplex sit Juramentum?

urn:nbn:de:hbz:466:1-40673

QUÆSTIO VII.

De Secundo Decalogi Præcepto.

Non assumendi in vanum Dei Nomen.

Prorogredimur ad explicandum secundum Decalogi præceptum, quod habetur Exod. 20. his verbis: *Non assumes nomen Dei tui in vanum.* Et sensus est, non jurandum esse usurpando Dei nomen in vanum, hoc est, Primo, pro re inani, futili, & nullius momenti. Secundo, in vanum, hoc est sine necessitate. Tertio, in vanum, hoc est mendaciter. Dicitur etiam in vanum nomen Dei usurpare, qui male votet; ideo hic de juramento simul, & de voto agendum, ac de eorum contrariis, videlicet de Perjurio, Adjuratione, & Perfidia. Incipientes autem a juramento inquiremus. Primo, Quid, & quotuplex sit juramentum? Secundo, Quænam sint conditiones requitæ ad jurandum? Tertio, de Materia juramenti. Quarto de juramenti obligatione. Quinto, Quomodo celebriora quædam juramenta interpretanda sint? Sexto, Quomodo tollatur juramenti obligatio? Septimo, de Perjurio, & de assueto ad jurandum. Demum, de Adjuratione. In quæstione deinde sequenti disputabimus de Voto.

ARTICULUS I.

Quid, & Quotuplex sit Juramentum?

- I. *Juramentum est Divini testimonii invocatio ad fidem faciendam; seu Invocatio Dei in testem. Invocatur autem Deus in testem vel explicite, vel implicite; ut quando juratur per Creaturas, quatenus in iis Deus reluet.*
- II. *Juramentum fieri potest verbo, nuntio, facto, scriptura, & mentaliter.*
- III. *Jurans per falsos Deos vere non jurat.*
- IV. *Num sint juratoria hec verba, Per fidem meam, Per conscientiam meam, Per fidem boni Christiani, Sacerdotis, &c.*
- V. *In dubio num formula sit juratoria, quid in foro externo judicandum, & quid in interno?*
- VI. *Jurans per suam barbam, vestem,*

aut alias res viles, in quibus divinitas specialiter non reluet, vere non jurat.

VII. *Quid si quis usurpet formulas juratorias, nesciat tamen, quid sit juramentum, ut pueri, rudes, & muliercula? Quomodo Confessari cum ipsis se gerere debent?*

VIII. *Hac verba, Coram Deo loquor, Deus videt meam conscientiam, enunciative prolata non sunt juramentum; secus vero prolata invocative.*

IX. *Rustici passim dicentes, Per Deum, Per Corpus Christi, raro jurant, sed vel blasphemant, si aduersus Deum indignentur, vel peccant contra charitatem, si aduersus homines indignentur.*

X. *Jurans, Per hanc Crucem, nullam signando Crucem, vere non jurat.*

XI. *Juramentum aliud Afferiorum, aliud Promissorum, quod vel est Ab-*

- Absolutum, vel Conditionatum, vel
Pœnale.
- XII. Per iuramentum Invocatorium, seu Contestativum Deus invocatur ut testis; Per Execratorium, seu Imprecativum invocatur etiam us
Vindex: Omnia autem iuramenta censentur esse ejusdem speciei.
- XIII. Iuramentum Comminatorium (puta, Per Deum te occidam) vel reducitur ad Promissorium, vel ad Execratorium.

Quartitur primo; Quid sit Juramentum?
Respondeo ex D. Th. 2. 2. quæst. 89. cap. 1. Juramentum derivari a jure, quia instar juris, ac legis habendum est; Diciturque etiam Sacramentum, eo quod sit actus Religio-nis, & rei sacræ attestatio; Quare definitur, quod sit Divini testimonii invocatio ad fidem faciendam; Et bre-vius, quod sit *Invocatio Dei in testimoniis*. Quare duo ad iuramentum requiriuntur, & quod Deus invocetur, & quod invocetur in testimoniis. Aliquando tamen Deus explicite invocatur, ut quando juratur per ipsum creatorum; Verbi gratia quando dicitur, Testis est mihi Deus, Videlicet Dominus, Facio Deum testimoniis, Sic me Deus adjuvet, Invoco Trinitatem, Per Christum, &c.; Aliquando invocatur implicite, ut quando juratur per creaturas, quatenus in ipsis relucet divinitas, dicendo, verbi gratia, Per Sanctos, Per Euange- lium, Per cœlum, &c.: Nec differt spe-cie hoc duplex genus iuramenti, ut communiter docent Doctores, quia per utramque idem divinum testimoniū invocatur.

II. Præterea Juramentum fieri potest non solum verbo, sed etiam ntu, ut si tibi dicitur, An juras per Deum? & tu annuas; Necnon facto, ut si aliqui deferatur liber Euangeliorum ad jurandum, & is illum tangat; Vel si

subscribat scripturæ iusjurandum con-tinenti; Ac demum sola mente; Unde iuramentum promissorium sola men-te factum obligat ex virtute Religio-nis, quamvis non obliget ex virtute justitiae, nisi illud per signum externum constet parti acceptanti, juxta dicen-da in de contractibus.

III. Ex dictis sequitur primo, juran-tem per falsos Deos vere non jurare; quia non invocat verum Deum in te-stimoniis; Quare solum ex conscientia er-ronea poterit obligari vi talis iuramen-ti, quatenus putat se vere iurasse; quod si ralem errorem deponat, nullatenus tenetur vi talis iuramenti; nisi forte nomine Jovis, verbi gratia, vo-luerit verum Deum insipienter invo-care.

Sequitur secundo, Jurantem, Per hæc Euangelia, si putet illum librum esse Euangeliorum, cum tamen non sit, vere obligari vi iuramenti, quia vere intendit jurare per Evangelia.

IV. Sequitur tertio, Jurantem, Per fidem suam, fide boni Christiani, aut Sacerdotis, per conscientiam suam, in Veritate, &c., si intendat per ea verba jurare, hoc est Deum in te-stimoniis vocare, verum iuramentum effi-cere, ut docet Sanch. lib. 3. cap. 2.; Sicut etiam si per fidem intelligat fidem catholicam. Quod si is intendat solum propriam fidem, & conscientiam, vel veritatem humanam invoca-re in testimoniis, tunc profecto non ju-ravit: Et sane Bonac. cum Sanch. Lef. putat hujusmodi formulas non adhiberi ad jurandum.

V. In dubio tamen, an adhibueris ad jurandum quæcumque verba pro-tuleris; sicut etiam in dubio, an ha-bueris animum te obligandi, &c. in dubio an tua verba invocationem Dei (qua est conscientia iuramenti) saltem tacite contineant, in foro externo stan-dum pro communi verborum accep-tione; in foro interno judicari potest te

te non jurasse , juxta probabilem sententiam : Sicut in dubio similis voti censendum est te non vovisse , ut probabiliter putat Tambur. lib. 1. cap. 3. §. 7. V. *Votum* , *Caram.* , & *De Leon.* *Contra Sanch.*

VI. Sequitur quarto , jurantem , per suam barbam , per equum , per vestem , &c. , nec jurare ; quia non censetur invocari Deus invocando tales viles creaturas ; Contra vero si invocentur creaturæ , in quibus specialiter relucet divinitas ; ut quando per Crucem , per reliquias , per lucem , per solem , per animam , per vitam , per salutem , per imagines juratur . Quod si adducatur in testem creatura aliqua , expresso nomine Dei in obliquo , ut Per acrem Dei , per ignem Dei , &c. , semper habetur juramentum . Quare tribus modis adduci potest creatura in testem . Primo , in quantum illa est testis infallibilis veritatis ; & sic est blasphemia . Secundo , in quantum relinet in illa specialiter Deus ; & sic est juramentum . Tertio , secundum dignitatem , quam habet in se , non vero per ordinem ad Deum ; ut per meam conscientiam , fide boni Sacerdotis , & sic non est juramentum .

VII. Sequitur quinto , quod si quis usurpando formulæ juratorias velit jurare , nesciat tamen , quod jurare sit Deum in testem invocare , ut communiter nesciunt pueri , & mulierculæ , atque adeo id non intendens , vere non jurat . Ita Tambur. hic : Et ratio est , quia cum talis voluntas jurandi non dirigatur a præcognitione , qua sciatur quid sit juramentum , vere , & efficaciter juratoria esse non potest ; Quamvis si velit jurare juxta modum ordinarium , quo alii jurant , implicite habet intentionem invocandi Deum in testem , & sic vere jurat , quando formulæ sunt juratoria : Quando tamen formulæ non sunt juratoria : si quis intendat facere , quod alii fa-

ciunt per similes formulæ , neque jurat , ut patet .

Sequitur sexto , aptam esse pro Confessariis regulam allatam a Tambur. , quod quando penitentes fatentur se cum mendacio jurasse per animam , per conscientiam , per cœlum , non sint statim de perjurio damnandi , sed si rudes sint , rogandi , num per ea verba intenderint vere jurare , & Deum invocare , vel se juxta consuetudinem graviter obligare , an vero ea verba protulerint materialiter , aut non intendendo positive Deum implorare ut testem , aut præscindendo ab imploratione , vel non imploratione Dei ; Si enim positive noluerunt implorare Deum , peccarunt quidem jurando sine animo jurandi ; per hoc autem non peccarunt peccato perjurii , & fortasse aliquando sive ex inadvertentia , sive ex alio capite solum venialiter ; Si vero præcindebant a tali invocatione , certe non jurarunt , nec pejerarunt . Verum si penitentes non sint rudes , & adhibeant juramentum , quo clare Deus invocatur , ut Per Deum , per Beatam Virginem , saltem in confuso cognoscendo invocationem Dei , tunc vere jurant ; Quamvis non nulli apprehendant tantum in his juramentis aliquam rationem mali præscidentem a peccato mortali , & veniali ; in quo casu probabile est tantum veniale committi .

VIII. Sequitur septimo , quod hac verba , Coram Deo loquor , Deus scit , Deus videt meam conscientiam , si proferantur enunciative , non sint juramenta , ut patet ; At invocative prolata sunt juramenta ; quia per illa invocatur Deus ut testis . Notat etiam Bonac. ex Sanch. , quod tales formulæ prolatae a viris jurare solitis præsumenda sint juramenta , nisi aliter constet de animo jurantis ; quia verba præsumuntur prolata juxta consuetudinem : Si vero proferantur in judicio , aut

aut in causa damnum tertii respiciens te, intelligenda sunt juxta communem audientium sensum; quia jurans sic tenebatur illis uti, ne alios deciperet, vel damnificaret.

IX. Sequitur octavo, quod dicens ex ira, ut solent rustici, Per Deum, Per Corpus Christi, &c., non intendens Deum in testem adducere, vel aliquid confirmare, vere non jurat; nam potius hic intendit malum imprecari, vel iram, aut tedium patere, quam jurare.

Diximus autem articulo secundo questionis antecedentis ex Laym., in his casibus committi peccatum blasphemia, si proferantur haec verba ex indignatione contra Deum; secus vero si ex indignatione contra creaturas; Quod si per modum juramenti proferantur, erunt peccatum Irreligiositatis contra secundum praeceptum Decalogi, non tamen erunt blasphemiae.

X. Sequitur nono ex Bonac., & Suar. tom. 2. de Relig. lib. 1. cap. 2., quod si quis dicat, Per hanc Crucem, & consulto nullam faciat Crucem, non jurat; quia cum nullam crucem faciat, nullam crucem adducit in testem, nec habet proinde animum jurandi, sed decipiendi.

XI. Quæritur secundo; Quotuplex sit Juramentum?

Respondeo, præter vulgares divisiones in simplex, & solempne, (quod scilicet fit coram testibus, & notario cum aliqua juris forma, & tactu Evangeliorum) in Judiciale, & Extra-judiciale, in Absolutum, & Conditionatum, dividi primo in Affertorium, & Promissorium. Affertorium est, cum Deus assumitur in testem aliquis veritatis affirrare, sive de præterito, sive de praesenti: Promissorium est, per quod juramus aliquid nos facturos, quod vel absolutum est, ut Juro me iturum Romam, vel conditionatum, verbi gratia, Si convalescam;

Pars II.

vel poenale, verbi gratia, Sub poena solvendi centum, nisi ivero.

XII. Dividitur secundo in Invocatorium, seu Contestativum, quod scilicet fit per simplicem contestationem Dei, ut Juro per Deum; & Execratorium, seu Imprecatorium, per quod nosmetipos, vel aliquid nobis carum divinæ ultiōni subjicimus, si non sit verum, quod asserimus; Verbi gratia, Deus annihilet me, vel filios meos, si hoc non est ita. Quare per Invocatorium Deus solum invocatur ut testis; per Execratorium Deus invocatur etiam ut vindicta. Proinde dubium est apud Doctores, Num quando falso sic juratur, præter peccatum perjurii contra Religionem, sit conjuncta alia species peccati contra charitatem sui, vel proximi?

Communius cum Suar. contra Bonac., & Less. negant; quia non solet quis amico suo, vel sibi ea ex animo imprecari, sed potius cogitat Deum ea non esse facturum. Quare juramentum quodcumque, quovis modo fiat, communiter censetur esse ejusdem speciei; unde in confessione non est opus exprimere, num juramentum fuerit affertorium, num promissorium, num execratorium, ut communiter docent apud eundem Bonac. quæst. 1. punct. 2.

XIII. Demum datur juramentum comminatorium, ut si quis dicat, Per Deum te puniam, te occidam, sed hoc a nonnullis reducitur ad promissorium cum Busemb.; ab aliis cum Trull. ad execratorium.

ARTICULUS II.

De Conditionibus requisitis ad licite jurandum.

I. Tres sunt juramenti lictii comites, Veritas, Justitia, & Iudicium; jurari enim nequit, nisi de re, qua satis probabiliter putatur vera; i-

N gene